

URTEAN ZEHARREKO XIX. DOMEKEA - B

SARRERAKO OHARKIZUNA

Egunon, eta ondo etorriak Jaunaren ospakizun honetara.

Jesusek gure fedea sendotzera eta biziaren Ogia jatera dei egin deusku. Hurreratu gaitetzan Haregana garean eta daukagun guztiaz: gure pozak eta gure makaltasunak, gure nahigabeak eta gure itxaropenak, gure bildurrak eta gure lorpenak... eskeini deioguzan Berari; geu garean guztiaz aurkeztu gaitetzan Jaunaren aurrera, bere biziaz bete gagizan.

"Bihotz batez alkaturik..."

DAMU-OTOITZA

Senideok: batu gaitetzan geure barruan eta apaltasunez autortu dagigun hainbat eratara guran nagusitzen dan pekatua; Jaunak bere errukian parkatu deiskun eta indarbarritu gagizan:

- Jesus Jauna, gure artean sentitzen ez zaitugulako. ERRUKI, JAUNA.
- Jesus Jauna, zure Gorputzaren Ogia behar aina aintzat hartzen ez dogulako. KRISTO, ERRUKI.
- Jesus Jauna, gure bidelagunekin gitxi arduratzen garalako. ERRUKI, JAUNA.

HITZAREN LITURGIA

1 Erg 19, 4-8:

Elias profetea, bere egoereaz etsita eta aurrera egiteko gogo barik agertzen jaku, lehengo irakurgai honetan. Baina, Jaungoikoak ogia eta ura eskeintzen deutoz, indarrak hartu eta bidea jarraitu dagian.

Erantzun-Salmoa:



Ef 4, 30 - 5, 2:

San Paulok, gure kristau bizitzarako oinarritzakoak diran kontseju batzuk emongo deuskuz, bigarren irakurgai honetan. Entzun dagiguzan arretaz haren berbak.

Jn 6, 41-51:

Jesus "biziaren Ogi" lez agertuko jaku gaurko Ebanjelioan. Zerutik jatsitako Ogi honetan sinistean eta bertatik jatean dago gure salbamena.

Zutunik, eta pozez beterik, "Aleluia" abestu dagigun.

JAINKO HERRIAREN OTOITZA

Senideok: gure beharrianen eta preminen aurrean, Jaungoikoa beti daukagu adi, entzun eta erantzuteko prest. Horregaitik, jo daigun uste osoz Haregana:

- Eliza osoaren alde eta, hor hemen, talde txikiagoetan batzen dan Elizearen alde: Eukaristia biderako janari lez beti aintzat hartu dagian. ESKATU DEIOGUN JAUNARI.
- Politika eta ekonomia indarrak euren eskuetan dituenen alde: lurreko ondasunak herri eta gizaki guztientzat dirala ulertu dagien eta euren banaketa zuzenagoa egiten ahalegindu daitezkan. ESKATU DEIOGUN JAUNARI.
- Hilzorian aurkitzen diranen alde eta euren etxeko eta zaintzaileen alde: biderako janaria dan gure Jauna eskatu dagien eta, eurak eskatzen ez badabe, eskeintza hori egingo deutesen norbait euren inguruan izan dagien. ESKATU DEIOGUN JAUNARI.

- Domekero, Meza santua ospatzeko alkartzen garean guztion alde, gure etxekoen alde eta guk maite ditugun guztien alde. ESKATU DEIOGUN JAUNARI.

Entzun, Aita, gure eskariak eta lagundu eiguzu gure beharrianetan. Jesukristo gure Jaiaren bitartez. Amen.

AZKEN AGURRA

Sarritan, bizitzako bidea luze eta latz egiten jaku. Meza santu honetan hartu dogun janari-az indarturik, goazen aurrera, etsi barik.

"Eskerrik asko, Jauna..."